



Poštovane kolege,

Trenutni izvještaji nadležnih organizacija nam govore je krizni period iza nas. Svjetska zdravstvena organizacija nije obustavila stanje pandemije globalno, međutim u Evropi i u našoj zemlji stanje vezano za širenje virusa Covid 19 je pod kontrolom i svakog dana je sve manje oboljelih.

Svih 370.000 uposlenih u Securitasu su pomagali klijentima i društvu u cijelini da prebrodi ovu komplikovanu situaciju. Uposleni u BiH su također podnijeli odgovornost za zaštitu klijenata i u isto vrijeme očuvanja svog zdravlja. Činjenica da je od skoro 2000 uposlenih bilo samo 3 oboljela u našem kolektivu svjedoči o odgovornom ponašanju uposlenih.

Želimo se zahvaliti svima vama na odgovornom i profesionalnom radu tokom ovog perioda. Pohvale klijenata koje su pristizale su svjedočile o požrtvovanosti naših uposlenih. Posebno se želimo zahvaliti jer je cijeli kolektiv imao razumijavanja i zajednički smo podnijeli teret smanjenja posla korekcijom plata za mjesec april i maj.

Najveći dio naših klijenata kojima pružamo fizičku zaštitu vratili su zahtjeve za angažmanom naših zaštitara, međutim ukupni obim našeg poslovanja nije se vratio na onaj koji smo imali u januaru ili februaru 2020. godine. U nadi da ćemo našim klijentima uskoro biti u prilici davati uslugu u punom kapacitetu, Uprava preduzeća je odlučila da se odluka o smanjenju plate uposlenima ne primjenjuje od 1.6.2020. Dakle, plate za juni 2020. godine će biti isplaćene u punom iznosu. Zbog činjenice da je ukupna prodaja preduzeća, koja pored fizičke zaštite obuhvata i manifestacije, tehniku i transport novca, ostala značajno umanjena i tokom mjeseca juna, od ove gore pomenute Odluke izuzimaju se uposlenici koji rade u administraciji i rukovodni kadar preduzeća kojima će i za mjesec juni biti isplaćena umanjena plata.

Drage kolege, kriza nije još uvijek sasvim prevaziđena, čuvajte svoje zdravlje i zdravlje svojih porodica jer zdravlje je ipak najvažnije.

Još jednom se zahvaljujemo svima na nesebičnom angažmanu.

Uprava Securitasa BH

10. juni
2020.

Info SECURITAS